



UNIVERSITÄTS-
BIBLIOTHEK
PADERBORN

Universitätsbibliothek Paderborn

Indvstria Spiritvalis

Spee, Friedrich von

Coloniæ Agrippinæ, Anno M.DC.XXXIX.

Orationes post Communionem dicendæ.

urn:nbn:de:hbz:466:1-43756

Orationes post Communionem
dicendæ.

Oratio S.Thomæ de Aquino.

Gratias tibi ago Domine sancte
Pater omnipotēs æterne Deus,
qui me peccatorem, indignum fa-
mulum tuū, nullis meis meritis, sed
sola dignatione misericordiæ tuæ
satiare dignatus es pretioso corpore
& sanguine filij tui Domini nostri
Iesu Christi. Et precor, ut hęc sancta
Communio non sit mihi reatus ad
pœnam sed intercessio salutaris ad
veniam. Sit mihi armatura fidei, &
scutum bonæ voluntatis. Sit virtu-
rum meorum euacuatio, concipi-
scentiæ & libidinis exterminatio,
charitatis & patientiæ, humilitatis &
obedientiæ; omniumque virtutum
augmentatio: contra insidias inimi-
corum omnium, tam visibilium,
quam inuisibilium, firma defensio:
motuum

motuum meorum, tam carnalium,
 quam spiritualium, perfecta quieta.
 Atio: in te uno ac vero Deo firma ad-
 hæsio: atque finis mei felix consum-
 matio. Et precor te, ut ad illud inef-
 fabile conuiuium me peccatorem
 perducere digneris: ubi tu cum Filio
 tuo & Spiritu sancto. Sanctis tuis es
 lux vera, satietas plena, gaudium
 sempiternum, iucunditas consum-
 mata & felicitas perfecta. Per eun-
 dem Christum Dominum nostrum,
 Amen.

Alia Oratio S. Bonaventure.

Transfige dulcissime Domine
 Iesu medullas & viscera animæ
 meæ suauissimo ac saluberrimo a-
 moris tui vulnerc, vera serenaque &
 Apostolica sanctissima charitate, vt
 langueat & liquefiat anima mea solo
 semper amore & desiderio tui, te
 concupiscat, & deficiat in atria tua,
 cupiat dissolui, & esse tecum. Da, vt
 anima

¶ anima mea te esuriat, panem Ange-
lorum, refectionem animarum san-
ctorum, panem nostrum quotidiana-
num, supersubstantialem, haben-
tem omnem dulcedinem & sapo-
rem, & omne delectamentum sua-
uitatis: te, in quem desiderant Ange-
li prospicere, semper esuriat & come-
dat cor meum, & dulcedine saporis
tui repleantur viscera animæ meæ: te
semper sitiat fontem vitæ, fontem
sapientiæ & scientiæ, fontem æterni
luminis, torrentem, voluptatis, v-
bertatem domus Dei: te semper am-
biat, te querat, te inueniat, ad te ten-
dat, ad te perueniat, te meditetur, te
loquatur, & omnia operetur in lau-
dem & gloriam nominis tui, cum
humilitate & discretione, cum dile-
ctione & delectatione, cum facilita-
te & affectu, cum perseverantia us-
que in finem: & tu sis solus semper
spes mea, tota fiducia mea, diuitiæ
meæ, delectatio mea, iucunditas
mea

mea, gaudium meum, quies & tranquillitas mea, pax mea, suauitas mea,
odor meus, dulcedo mea, cibus
meus, refectione mea, refugium meum,
auxilium meum, sapientia mea, por-
tio mea, possessio mea, thesaurus
meus, in quo fixa & firma & immo-
biliter semper sit radicata mens mea,
& cor meum, Amen.

*Rhytmus S. Thome ad sacram
Eucharistiam.*

Adoro te deuotè, latens Deitas,
Quæ sub his figuris verè latitas
Tibi se cor meum totum subiicit,
Quia te contemplans, totum deficit.
Visus, tactus, gustus in te fallitur,
Sed auditu solo tutò creditur.
Credo quidquid dixit Dei Filius.
Nil hoc verbo veritatis verius.
In cruce latebit sola Deitas,
At hic latet simul & humanitas:
Ambo tamen credens atque confi-
tens,

Peto

Peto quod petiuit latro pœnitens.
Plagas, sicut Thomas, non intueor,
Deum tamen meum te confiteor.
Fac me tibi semper magis credere,
In te spem habere, te diligere.
O memoriale mortis Domini,
Panis viuus, vitam preſtans homini:
Præsta meæ menti de te viuere,
Et te illi semper dulce sapere.
Pie Pellicane Iesu Domine,
Me immundum munda tuo ſanguine:
Cuius vna ſtilla ſaluum facere.
Totum imundum quit ab omni ſcelere.
Iesu, quem velatum nunc aſpicio,
Oro fiat illud, quod tam ſitio:
Ut te reuelata cernens facie,
Viuſi sim beatus tuæ gloriæ, Amen.
Oratio valdè deuota qua homo ſe & omnia ſua Deo offert.

Domine omnia tua ſunt, quæ in cælo ſunt & in terra. Desidero meipſum

me ipsum tibi spontaneam oblationem offerre, & tuus perpetuo permanere. Domine in simplicitate cordis mei offero me ipsum tibi hodie in seruum sempiternum, in obsequium, & sacrificium laudis perpetuae. Suscipe me cum hac sancta oblatione tui pretiosi corporis, quam tibi hodie in presentia Angelorum inuisibiliter assistentium offero, ut sit pro me, & pro cuncto populo tuo in salutem. Domine offero tibi omnia peccata, & delicta mea quæ commisi coram te, & sanctis Angelis tuis, à die quo primum peccare potui, usque ad diem hunc, super placibili altari tuo, ut omnia pariter incendas & comburas igne charitatis tuæ, & deleas vniuersas maculas peccatorum meorum, & conscientiam meam ab omni delicto emundes, & restituas mihi gratiam tuam, quam amisi peccando, omnia mihi plenè indulgendo, & in osculum pacis me misericordor.

ricorditer assumendo. Et quid possum agere pro peccatis meis, nisi humiliter ea confitendo & lamentando, & propitiationem incessanter deprecando? Depreco te, exaudi me propitius, ubi asto corā te Deus meus. Omnia peccata mea mihi maxime displicēt; nolo ea amplius vñquā perpetrare: Sed pro eis doleo, & dolebo, quamdiu vixero, paratus pœnitentiam agere, & pro posse satisfacere: Dimitte mihi Deus, Dimitte mihi peccata mea propter nomen sanctum tuū, salua animam meam, quam pretioso sanguine redemisti. Ecce cōmitto me misericordiæ tuz, resigno me in manibus tuis, age me cum secundū bonitatē tuam, & non secundum meam malitiam & iniquitatē. Offero & tibi omnia bona mea, quamuis valde pauca & imperfecta, ut tu ea emundes & sanctifiques, vt ea grata habeas, & accepta tibi facias, & semper ad meliora trahas, nec

nec non ad beatum & laudabilem fi-
 nem me pigrum & inutilem humū
 cionem perducas. Offero tibi quoq;
 omnia desideria deuotorum necessi-
 tates parentū, amicorum, Fratrum
 sororum, & omnium charorū meo-
 rum, & eorum qui mihi vel alijs pro-
 pter amorem tuum benefecerunt,
 & qui orationes pro se , & sūis om-
 nibus dici à me desiderauerunt &
 petierunt, siue in carne adhuc viuāt,
 siue iam sæculo defuncti sint , vt
 omnes sibi auxilium gratiæ tuæ, o-
 pem consolationis , protectionem
 à periculis , liberationem à pœnis
 aduenire sentiant, & vt ab omnibus
 malis erepti gratias tibi magnificas
 læti persoluant. Offero tibi etiā pre-
 ces & hostias placationis pro illis spe-
 cialiter, qui me in aliquo læserunt,
 cōtristauerūt, aut vituperauerūt vel
 aliquid damnū vel grauamen intu-
 lerūt. Pro his quoq; omnibus, quos
 aliquando contristauī, conturbaui,
 gra-

grauauui, & scandalizaui verbis, factis,
scienter & ignoranter, vt nobis om-
nibus pariter indulgas peccata no-
stra & mutuas offensiones. Aufer
Dominc à cordibus nostris, omnem
suspicionem, indignationem, iram
& disceptationem, & quicquid po-
test charitatem lădere, & fraternalm
dilectionem minuere. Miserere Do-
mine, misericordiam tuam poscen-
tibus, da gratiam indigentibus, & fac
nos tales existere, vt simus digni
gratia tua perfaci & ad vitam pro-
ficiamur æternam, Amen.

F I N I S.